



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izbornni Panel za Žalbe i Predstavke

Anr.104/2019

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Gyltene Sylejmani kryesuese, Kymete Kicaj dhe Ferki Xhaferi anëtarë, me pjesëmarrjen e zyrtares së lartë ligjore Valbona Millaku Foniqi, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë, paraqitur kundër subjektit politik Partia Demokratike e Kosovës (PDK), me seli në Prishtinë, për shkak të vendosjes së materialit zgjedhor në hapësira publike, për Zgjedhjet e Parakohshme për Kuvendin e Republikës së Kosovës, që do të mbahen me datë 06.10.2019, në seancën e panelit të mbajtur me datë 30.09.2019, mori këtë:

## V E N D I M

**I. Pranohet** si e bazuar ankesa e subjektit politik Lëvizja Vetëvendosje (LVV), me seli në Prishtinë me Anr. 104/2019 e datës, 26.09.2019, dhe Subjektit politik Partia Demokratike e Kosovës (PDK), me seli në Prishtinë, i shqiptohet dënimi më gjobë në shumë prej 6,000.00 (gjashtë mijë) euro, cilën gjobë detyrohet ta paguaj në afat prej 15 (pesëmbëdhjetë) ditëve, nga dita e plotfuqishmërisë të këtij vendimi nën **kërcënim të përmbarrimit**.

**II. Urdhërohet** subjekti politik Partia Demokratike e Kosovës (PDK), që brenda afatit prej 24 orëve nga pranimi i këtij vendimi, që ta përmirësoj shkeljet e përcaktuar si në pikën -I- të dispozitivit të këtij vendimi, në të kundërtën mund të sanksionohet me dënim shtesë nga PZAP-i .

## A r s y e t i m

Me datën 26.09.2019, Lëvizja Vetëvendosje (LVV), ka paraqitur ankesë në PZAP, në të cilën pretendon se me datë 26.09.2019, aktivistet e Lëvizjes Vetëvendosje, qendra Fushë Kosovë, rreth orës 14:45 në rrugën Dardania dhe të Rrethi, në Fushë Kosovë kanë vërejtur se aktivistet e Partisë Demokratike e Kosovës (PDK), kanë vendosur tendë me një poster të kandidatit nga radhët e PDK-së, dhe në lloj tavoline me material propagandues. Paraqitësi i ankesës thekson se vendosja e tendës dhe këtyre tavolinave dhe posterave në hapësirat publike paraqesin veprime të sanksionuara me dispozitën e nenit 33 pika b) të LZP-së, dhe rregullën zgjedhore 13/2013 të KQZ-së. Në mbështetje të pretendimeve ankimore, paraqitësi i ankesës, ka bashkangjitur disa fotografi të printuara.

Në përgjigjet në ankesë subjekti politik PDK, pretendon se shkeljet e pohuara në ankesë pasi që vendosja është bërë me pëlqimin e Komunës së Fushë Kosovës, për vendosjen e tendës në

shesh dhe shfrytëzimin e hapësirës publike. Si provë ne mbështetje te pretendimeve ne përgjigje ka bashkangjitur: pëlqimin e përkohshëm të lëshuar nga Kuvendi i Komunës së Fushë Kosovës, Drejtoria e Shërbimeve publike dhe mjedisit me numër 1012 i datës 23.09.2019, deklaratën e kandidatit për deputet Rrahim Ternava, nga radhët e të njëjtit subjekt politik, LRP Nr.06386/2019, si dhe njoftimin e bërë nga Kryetari i PDK-së, për respektimin e rregullave të KQZ-së, nga pjesëmarrësit në Zgjedhje nga degët, kandidatet për deputete, mbështetësit dhe simpatizuesit.

PZAP-i, pasi që shqyrtoj ankesën vlerësoi dhe vlerësimin të shkresave në lëndë vlerësoi se **ankesa është e bazuar**, për këto arsye:

Paneli nga fotot e ofruara si provë nga parashtruesi i ankesës, të cilat gjendet në shkresat e lëndës, në mënyrë të padyshimtë, ka konstatuar se tendat me materiale zgjedhore të subjektit politik PDK, janë të vendosura në hapësirat publike në rrugën Dardania dhe të rrethi në Fushë Kosovë.

Nga dëshmitë e sipërcituara paneli në mënyrë të sigurt ka vërtetuar se nga subjekti politik PDK, me seli në Prishtinë, janë bërë shkeljet e Kodit të Mirësjelljes për Subjekte Politike, Mbështetësit e tyre dhe Kandidatët, nga fakti se, tendat dhe tavolinat e vendosura në hapësirat publike, paraqesin veprime të sanksionuara me dispozitën e nenit 33 pika b) e LZP-së, e cila përcakton “ *Vendosja e njoftimeve, pllakateve dhe postereve, ose përndryshe, vendosja e emrave të tyre ose e sloganeve në lidhje me fushatën zgjedhore brenda ose jashtë ndërtesave publike ose godinave, në apo mbi rrugë publike, në shenjat publike të trafikut, brenda ose jashtë hapësirave ose ndërtesave të zëna ose, ndryshe, që shfrytëzohen nga organizatat ndërkombëtare, ose brenda ose në hapësirat private pa lejen e pronarëve ose shfrytëzuesve*”..

Paneli, vendimin e tij e ka mbështetë në dëshmi të qarta dhe bindëse siç përcaktohet me nenin 117 par. 3 të LZP-së, prandaj pretendimet në përgjigje në ankesë nuk u cilësuan me ndikim në meritat e lëndës.

Parashtrimet në përgjigje në ankesë, se veprimet e subjektit politik PDK, nuk mund të sanksionohen si shkelje të LZP-së, për arsye se vendosja e tendës në shesh dhe shfrytëzimin e hapësirës publike, është bërë me pëlqimin e Komunës së Fushë Kosovës, nga data 27.09.2019 deri me 04.09.2019, Paneli pretendimet e tilla i vlerësoj si të pa bazuara dhe si të tilla i refuzoj pasi që, me këto prova nuk justifikon veprimet që janë të ndaluara dhe në kundërshtim me dispozitat ligjore të Nenit 33 pika b) i LZP-së, si dhe neni 5 paragrafi 1 pika d) e Rregullës 13/2013, ku parashihet se subjektet e certifikuara politike aktivitetet e tyre zgjedhore duhet t'i bëjnë në pajtueshmëri me Rregullat zgjedhore të Komisionit Qendror Zgjedhor (KQZ), Kodin e Mirësjelljes, të nxjerrë nga Komisioni i Pavarur i Mediave dhe ndonjë legjislacion tjetër në fuqi. Ky përfundim ka të bëjë me faktin se Kodi i Mirësjelljes i detyron të gjitha subjektet politike, kandidatët, anëtarët e subjekteve dhe mbështetësit e tyre që ta respektojnë këtë kod me qëllim të krijimit të kushteve që gjatë periudhës së fushatës, veprimet e subjekteve politik të jenë në një atmosferë të tolerancës demokracisë, paqes dhe respektit për sundimin e ligjit .

Paneli me rastin e vendosjes se gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalët, shkallën dhe peshën e shkeljes, pjesëmarrjen e subjekti politik në zgjedhjet e mëparshme që konsiston në faktin së PDK-ja, ka qenë e njoftuar me obligimet dhe përgjegjësit gjatë procesit të fushatës, shkeljet e Ligjeve zgjedhore në fuqi që ka bërë subjekti në fjalë në këto zgjedhje dhe në zgjedhjet e mëparshme në Kosovë që do të thotë se i njëjti është i njoftuar me rregullat zgjedhore si dhe shumën e fondeve që ka marra subjekti politik prej Buxhetit të Republikës së Kosovës, për zhvillimin e aktiviteteve lidhur me fushatën zgjedhore. Po ashtu si rrethanë PZAP-i, mori edhe faktin që këtij subjekti, ia dha mundësinë për tu përgjigjur ashtu që në përgjigjet e tij ka mohuar shkeljet e supozuara. Mos ndërmarrja e masave përmirësuese ka ndikuar në lartësinë e gjobës së shqiptuar si në dispozitiv të këtij vendimi .

Paneli konform nenit 120.1 pika a) të LZP-së urdhëroi subjektin politik PDK që të marrë masa dhe të përmirësoj shkeljet në afatin prej 24 orëve dhe nëse subjekti politik PDK, nuk vepron sipas urdhrit të panelit do të sanksionohet me dënim shtesë nga PZAP-i , në pajtim me nenin 120.2 të LZP-së.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtrësa**

Anr.104/2019 më datën 30.09.2019

**Kryesuese e Panelit**  
Gyltene Sylejmani



***Këshillë Juridike:*** Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.